

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
JU OŠ «Crvarevac»
Crvarevac
- Školski odbor -
Crvarevac
Broj: 6/2019.
Datum: 03.01.2019.

Na osnovu Člana 135. Stav 2. i 155. stav d) Zakona osnovnom i općem srednjem odgoju i obrazovanju («Sl. glasnik USK-a» br: 5/2004.) od 05. maja 2004. godine, člana 84. i 137. Pravila JU OŠ «Crvarevac», člana 9. i 10. Pravilnika o radu i Saglasnosti Ministarstva obrazovanja nauke, kulture i sporta USK-a, br:10-34-13732-3/18. od 26.12.2018. godine, Školski odbor JU OŠ «Crvarevac», svojom Odlukom br: 5/2019. od 03.01.2019. godine, raspisuje

K O N K U R S

ZA POPUNU RADNIH MJESTA I PRIJEM UPOSLENIKA

1. Nastavnik razredne nastave, 1 izvršilac, do povratka radnika s funkcije direktora, a najduže do kraja školske 2018/19. godine
2. Nastavnik razredne nastave, 1 izvršilac, najduže do kraja školske 2018/19. godine
3. Nastavnik njemačkog jezika, 1 izvršilac do povratka radnika s bolovanja, a najduže do kraja školske 2018./19. godine
4. Nastavnik njemačkog jezika, 3 sata, najduže do kraja školske 2018/19. godine
5. Nastavnik muzičke kulture, 8 sati, najduže do kraja školske 2018./19. godine
6. Pomoćnik u nastavi/asistent, 1 izvršilac, najduže do kraja školske 2018/19. godine
7. Nastavnik demokratije i ljudskih prava, 2 sata, najduže do kraja školske 2018/19. godine.

OPĆI UVJETI KONKURSA:

- a) da je državljanin Bosne i Hercegovine
- b) da je stariji od 18 godina

POSEBNI UVJETI KONKURSA:

Pored općih uvjeta, kandidati treba da posjeduju stručnu spremu predviđenu Zakonom o osnovnom i općem srednjem odgoju i obrazovanju i Nastavnim planom i programom Pedagoškim standardima za osnovno obrazovanje, Pravilnikom o radu i Pravilima škole i to:

* Kandidati pod rednim brojem 1. i 2. VI/VII stepen stručne spreme, prvi ciklus studija po bolonjskom sistemu 180 ili 240 ECTS bodova/ nastavnik/profesor/ bachelor razredne nastave

* Kandidati pod rednim brojem 3 i 4. VI / VII stepen stručne spreme, prvi ciklus studija po bolonjskom sistemu 180 ili 240 ECTS bodova, nastavnik/profesor/bachelor njemačkog jezika/

* Kandidat pod rednim brojem 5 VI /VII stepen stručne spreme, završen prvi ciklus po bolonjskom sistemu 180 ili 240 ECTS bodova/nastavnik, profesor bachelor/ muzičke kulture, sa završenom muzičkom akademijom- teoretsko pedagoški odsjek ili muzički odsjek i odsjek akademski muzičak s položenom pedagoško-psihološkom grupom predmeta

* Kandidat pod rednim brojem 6 a) visoko obrazovanje (240 ECTS) ili ekvivalent - defektolog bilo kojeg usmjerenja, edukator-rehabilitator, logoped- surgoaudiolog, b) visoko obrazovanje (240 ECTS) ili ekvivalent nastavničkog usmjerenja, pedagog, psiholog, pedagog-psiholog, socijalni radnik, c) visoko obrazovanje (180 ECTS), više obrazovanje nastavničkog usmjerenja

Osobe iz tačke b) i c), trebaju imati dodatno stručno osposobljavanje uz certificiranje kroz program koji realizira Ministarstvo obrazovanja, nauke, kulture i sporta ili ga provodi druga institucija ili druga organizacija koja ima odobrenje Ministarstva za realizaciju osposobljavanja pomoćnika u nastavi/asitenta.

* Kandidat pod rednim brojem 7..... VI/VII stepen stručne spreme, prvi ciklus studija po bolonjskom sistemu 180 ili 240 ECTS bodova /nastavnik/profesor/bachelor sa završenom obukom za izvođenje nastave iz predmeta demokratija i ljudska prava i certifikatom kojeg je izdala nevladina organizacija CIVITAS u saradnji sa Federalnim ministarstvom obrazovanja, za izvođenje nastave iz predmeta demokratija i ljudska prava.

Uz prijavu na konkurs, kandidati/kinje su dužni dostaviti slijedeću dokumentaciju:

1. Kratku biografiju, adresu i broj telefona
2. Diploma o završenoj školi (original ili ovjerena fotokopija)

3. Uvjerenje o državljanstvu (ne starije od 6 mjeseci)
4. Izvod iz matične knjige rođenih

Pored naprijed navedenih dokumenata, kandidati/kinje su u obavezi uz prijavu na konkurs dostaviti i dodatnu dokumentaciju na osnovu koje će se prema Kriterijima izvršiti bodovanje kandidata:

1. Uvjerenje o proglašenju tehnološkim viškom od strane Ministarstva obrazovanja, kulture i sporta USK-a,
2. Uvjerenje o položenom stručnom ispitu,
3. Uvjerenje o dužini čekanja na posao nakon sticanja odgovarajuće stručne spreme od nadležne službe za zapošljavanje.
4. Uvjerenje o dužini radnog staža u obrazovanju nakon sticanja odgovarajuće stručne spreme (poslodavac koji izdaje uvjerenje gdje kandidat radi ili je radio mora detaljno navesti podatke o tome na kojim poslovima kandidat/kinja radi ili je radio/la – naziv radnog mjesta i stručna sprema, vremenski period, puno ili nepuno radno vrijeme i dužan je nepuno radno vrijeme preračunati u puno radno vrijeme).
5. Uvjerenje škola ili JU Pedagoški zavod USK-a o rezultatima rada i to:
 - a) za mentorstvo učenicima ili grupama učenika koji su postigli jednu od prvih deset pozicija na federalnom ili državnom takmičenju u prethodnih 5 školskih godina, uključujući i godinu u kojoj se boduje;
 - b) za mentorstvo učenicima ili grupama učenika koji su postigli jednu od prvih pet pozicija na kantonalnom takmičenju u prethodnih 5 školskih godina, uključujući i godinu u kojoj se boduje
 - c) za mentorstvo učenicima ili grupama učenika koji su postigli jednu od prve tri pozicije na općinskom takmičenju u prethodnih 5 školskih godina, uključujući i godinu u kojoj se boduje
 - d) za članstvo u Razvojnom timu škole ili timu koji je škola imenovala za realizaciju projekata kojim je škola ostvarila novčanu donaciju ili donaciju u nastavnim sredstvima, opremi i materijalu ili poboljšala odgojno-obrazovni proces u prethodnih pet godina po projektu;
 - e) za mentorstvo pripravnicima – u pet prethodnih godina po godini
 - f) za povjerenika-rukovodioca sindikalne organizacije i za uposlenike članove Školskog odbora (u prethodnih 5 godina uključujući i godinu u kojoj se boduje.
6. Za osobe na koje se odnosi Zakon o dopunskim pravima branilaca i članova njihovih porodica („Službeni glasnik USK-a, br: 3/05, 1/09, i 29/12) dužne su priložiti pravosnažno rješenje nadležne službe o pripadajućim pravima koje glasi na ime osobe koja konkurira, samo u slučaju kada se radi o prvom zapošljavanju,
7. Za osobe na koje se odnosi Zakon o socijalnoj zaštiti civilnih žrtava rata i zaštiti porodice sa djecom USK, („Sl. glasnik USK-a, br: 5/00 i 7/01“) dužne su priložiti pravosnažno rješenje nadležne službe o pripadajućim pravima koje glasi na ime osobe koja konkurira, samo u slučaju, kada se radi o prvom zapošljavanju.

Sva dokumenta moraju biti original ili ovjerena kopija.

PRIORITETI U ZAPOSŁJAVANJU

Prioritet kod izbora za ponunu upražnjenih radnih mjesta, prije bodovanja imaju osobe proglašene tehnološkim viškom u skladu sa Pravilnikom kojim se definišu kriteriji za proglašavanje uposlenika/ca za čijim je radom djelimično ili potpuno prestala potreba, te uvjeti preuzimanja uposlenika/ca iz jedne škole u drugu. Ako se po istom osnovu jave dva/ije ili više kandidata/kinja sa istim brojem bodova, prijem će se vršiti na osnovu člana 3. Pravilnika sa kriterijima o bodovanju kandidata/kinja za prijem u radni odnos.

Postupak izbora kandidata/kinja po konkursu izvršit će se prema odredbama Pravilnika sa kriterijima o bodovanju kandidata za prijem u radni odnos u odgojno-obrazovanim ustanovama Unsko-sanskog kantona, broj: 10-02-2926-1/17. od 15.03.2017. godine.

Kandidati su obavezni u svojoj prijavi naznačiti poziciju na koju konkurišu.

Sa kandidatima koji ispunjavaju uvjete navedene u konkursu će biti pismeno i usmeno proveden postupak izbora, a o terminu postupka izbora, kandidati će biti obavješteni telefonskim putem.

Kandidati koje se ne odazovu na zakazani postupak izbora, smatrat će se da su odustali od prijave na konkurs.

Konkurs ostaje otvoren 8 dana od dana objavljivanja.

Nepotpune i neblagovremene prijave neće se razmatrati.

Izabrani kandidat/kinja po pravosnažnosti Odluke o prijemu, a prije stupanja na posao dostaviti je dužan/dužna

- lječarsko uvjerenje nadležne zdravstvene ustanove, ne starije od 6 mjeseci,

- uvjerenje o nekažnjavanju koje izdaje Ministarstvo unutrašnjih poslova po mjestu rođenja osobe, ne starije od 6 mjeseci
- uvjerenje da se protiv osobe ne vodi krivični postupak, koje izdaje nadležni sud po mjestu prebivališta, ne starije od 6 mjeseci
- Prijave se podnose preporučenom poštom na adresu: JU OŠ „Crvarevac“, Crvarevac bb, 77236 Zborište, sa naznakom „ PRIJAVA NA KONKURS – za popunu radnog mjesta “.

Predsjednik ŠO-a: _____
/Duranović Zemir/

